



REPUBLIKA E KOSOVËS/REPUBLIKA KOSOVA
GJYKATA THEMELORE MITROVICË - DEGA E GJYKATËS VUSHTRRI

Numri i lëndës: 2021:120776

Datë: 21.03.2024

Numri i dokumentit: 05487424

C.nr.836/21

GJYKATA THEMELORE NË MITROVICË - DEGA NË VUSHTRRI, Departamenti i Përgjithshëm – Divizioni Civil, gjyqtari Izet Gërguri, në çështjen juridike kontestimore të paditësve N.A nga Vushtrria dhe P.K nga Vushtrria si dhe Rr.D nga Vushtrria të cilën sipas autorizimit e përfaqëson av.L.T nga Prishtina, kundër të paditurës Komuna e Vushtrrisë-Drejtoria për Arsim, lidhur me kompensimin e shujtave për ditët e pranisë në punë, jashtë seance me datë 21.03.2024, mori këtë:

A K T G J Y K I M
(pa shqyrtim gjyqësor)

APROVOHET padia dhe kërkesëpadija e paditësve N.A nga Vushtrria dhe P.K nga Vushtrria si dhe Rr.D nga Vushtrria ashtu që DETYROHET e paditura Komuna e Vushtrrisë-Drejtoria për Arsim, që:

- a) Paditësit N.A nga Vushtrria në emër të kompensimit të shpenzimeve për ushqim (shujta) për ditët e pranisë në punë gjatë periudhës kohore (130 ditë të pranisë në punë) prej 14.09.2020 e gjerë me datën 18.04.2021 të i'a paguaj shumën prej 260 euro,
- b) Paditësit P.K nga Vushtrria në emër të kompensimit të shpenzimeve për ushqim (shujta) për ditët e pranisë në punë gjatë periudhës kohore (130 ditë të pranisë në punë) prej 14.09.2020 e gjerë me datën 18.04.2021 të i'a paguaj shumën prej 260 euro.
- c) Paditësit Rr.D nga Vushtrria në emër të kompensimit të shpenzimeve për ushqim (shujta) për ditët e pranisë në punë gjatë periudhës kohore (130 ditë të pranisë në punë) prej 14.09.2020 e gjerë me datën 18.04.2021 të i'a paguaj shumën prej 260 euro, me kamatë ligjore prej 8%, e cila do të llogaritet nga dita e paraqitjes së padisë me datën 14.06.2021 e gjerë në në pagesën definitive të detyrimeve si dhe shpenzimet e procedure kontestimore në lartësi të përgjithshme prej 176 euro, të gjitha këto në afat prej 7 ditëve nga dita e pranimit të këtij aktgjykimi, e këtë nën kërcënim të përmbarrimit me detyrim.

A r s y e t i m

Paditësve N.A nga Vushtrria dhe P.K nga Vushtrria si dhe Rr.D nga Vushtrria të cilën sipas autorizimit e përfaqëson av.L.T nga Prishtina, pranë kësaj gjykate ka paraqitur padi me datë 15.06.2021, me të cilën kane kërkuar që të obligohet e paditura që për periudhën si ne dispozitiv të këtij aktgjykimi, t'ia kompensoj shpenzimet e shujtave (ushqimit) gjatë ditëve të punës kundër të paditurës Komuna e Vushtrrisë, bazuar në Kontratën Kolektive të Arsimit të datës 18.04.2017 dhe atë të vitit 2021 me arsyetimin se të njëjta i takojnë ndërsa e paditura nuk ia ka kompenzuar.

Gjykata me aktvendimin C.nr.836/21 të datës 17.10.2023, ka obliguar të paditurën që të përgjigjet në padi, ndërsa përgjigjen në padi e ka paraqitur me datë 12.03.2024.

Në përgjigjen në padi e paditura ndër të tjera ka deklaruar se padia dhe kërkesëpadija e paditëseve është parashkruar pasi që Kontrata Kolektive e Arsimit është nënshkruar më 18.04.2017 ndërsa paditësit e ka paraqitur padinë në gjykatë me datë 16.06.2021, ndërsa Kontrata Kolektive e Arsimit është me efekt veprimi deri më 18.04.2020 dhe se e njëjta nuk ka efekt për asnjë kërkesë e cila lind pas kësaj date. Gjithashtu gjykatës i ka propozuar që kërkesëpadinë e paditëseve ta hedhë poshtë si të palejuar.

Gjykata pas pranimit të përgjigjes në padi ka gjetur se janë plotësuar kushtet ligjore të përcaktuara në nenin 398 të LPK-së, për marrjen e aktgjykimit jashtë seancës, sepse në mes të palës nuk është kontestuese gjendja faktike dhe nuk ekzistojnë pengesa tjera për dhënien e vendimit meritor.

Nga parashtrimet e palëve ndërgjyqës të paraqitura në padi dhe në përgjigjen në padi, gjykata ka gjetur se nuk ishte kontestuese se paditësit kanë themeluar marrëdhënie pune me të paditurën, fakt ky që konstatohet edhe nga vërtetimet e lëshuara nga ShFMU "L... "ne ..., komuna Vushtrri të datës 19.04.2021 për paditësit, kontestuese nuk ishte prania e paditësve në punë si ne dispozitiv të këtij aktgjykimi nuk ishte po ashtu rrethana se e paditura Komuna e Vushtrrisë nuk ka bërë kompensimin e shpenzimeve të ushqimit në punë.

Nuk është kontestues fakti që e paditura në shkollën ku paditësit janë të punësuar nuk ka kushte të ofrimit të ushqimit në punë përmes restaurantit, kuzhinës apo ndonjë forme tjetër.

Kontestues ishte parashkrimi i kërkesës së paditëseve mirëpo edhe ky pretendim i të paditues është i pa bazuar pasi që paditësve kërkesën e tyre e ka paraqitur brenda afatit ligjor me Ligjin e Punës.

Gjykata, pas pranimit të përgjigjes në padi ka vlerësuar kushtet ligjore nga neni 398 i Ligjit për Procedurën Kontestimore (LPK), me të cilin përcaktohet se "*kur gjykata, pasi t'i arrijë përgjigja në padi, konstaton se ndërmjet palëve nuk është kontestuese gjendja faktike dhe se nuk ekzistojnë pengesa tjera për dhënien e vendimit meritor, atëherë ajo, pa caktuar fare seancë gjyqësore, mund të japë aktgjykimin me të cilin e pranon si të themeltë kërkesëpadinë*", andaj duke ju referuar dispozitave të Ligjit për Marrëdhëniet e Detyrimeve (LMD), përkatësisht nenit 245, paragrafit 1, me të cilin përcaktohet se "*kreditori në marrëdhënien e detyrimit ka të drejtë që prej debitorit të kërkojë përmbushjen e detyrimit, ndërsa debitorit ka për detyrë ta përmbushë atë me ndërgjegje dhe në tërësi, në përputhje me përmbajtjen e tij*", e lidhur me nenin 35 paragrafi 7 të Kontratës Kolektive të Arsimit në Kosovë të datës 18.04.2017, si dhe të datës 22.01.2021, në të cilat në mënyrë të njëjtë është paraparë se: "*Të punësuarve, u sigurohet kompensim për ushqim gjatë punës, për ditët e pranisë në punë. Vlera e kompensimit të shpenzimit të ushqimit në punë, për një ditë është 2 (dy) euro për të punësuarit që kanë marrëdhënien e punës primare në institucionet arsimore*", si dhe vërtetimet e lëshuara me datën 19.04.2021 nga ShFMU "L... "ne ..., komuna Vushtrri për paditësit për periudhën kohore nga datë 14.09.2020 e deri më datë 18.04.2021, (pra për 130 ditë të pranisë në punë), erdhi në përfundim se kërkesa e paditësve është bazuar, andaj edhe ia njohu secilit shumat prej nga 60 euro, duke përllogaritur një ditë pune me 2.00 euro (130 ditë pune x 2 euro = 260.00 euro).

Kundërshtimin e të paditurës lidhur me parashkrimin e kërkesës së paditëses, gjykata e vlerësoj si të pa bazuar pasi që në Ligjin e Punës, përkatësisht në nenin 87 të tij është përcaktuar se "*Të gjitha kërkesat nga marrëdhënia e punës në para, parashkruhen brenda afatit prej tri (3) vitesh, nga dita e paraqitjes së kërkesës*", ndërsa paditësit kërkesën e tyre e kanë parashtruar për periudhën nga data 14.09.2020 deri më 19.04.2021, që përfshinë periudhën kur ka qenë në fuqi Kontrata Kolektive e Arsimit e datës të datës 18.04.2017 si dhe të datës 22.01.2021, ndërsa padinë e ka paraqitur në gjykatë me datën 14.06.2021.

Gjithashtu vlen të theksohet se Kontrata Kolektive e Arsimit e datës 18.04.2017 në nenin 45 të saj ka paraparë se Kontrata Kolektive do të zbatohet edhe për një vit tjetër nëse palët nuk tërhiqen nga e njëjta ndërsa gjykata nuk ka prova se nga e njëjta janë terheqë ndonjë palë kontraktuese.

Gjykata përveç kërkesës kryesore, paditësve ia njohu edhe të drejtën në kamatë në lartësi prej 8%, duke llogaritur nga dita e paraqitjes së padisë dhe kërkesëpadisë në gjykatë, e deri në pagesën definitive në pajtim me nenin 378 të LPK-së e në pajtim me mendimin juridike të Gjykatës Supreme të Kosovës të datës 01.12.2020.

Gjykata vendosi si në pikën II të dispozitivit të këtij aktgjykimi për shpenzimet e procedurës, bazuar në nenin 452 të LPK-së, duke ia njohur paditësve pjesërisht kërkesën për shpenzime dhe atë duke marrë parasysh se për secilin paditës është kërkesë e vleres së vogël, nën 500 euro, e shpenzime këto të cilat iu referohen shpenzimeve për pagesën e taksës për padi në shumë prej 20 euro, si dhe për përpilimin e padisë shumë prej 156 euro për tre paditës, apo shumë e përgjithshme si në dispozitiv të këtij aktgjykimi.

Bazuar në të lartcekurat, e në kuptim të nenit 398 të LPK-së, gjykata vendosi si në dispozitiv të këtij aktgjykimi.

GJYKATA THEMELORE NË MITROVICË-DEGA NË VUSHTRRI
Departamenti i Përgjithshëm- Divizioni Civil
C.nr.836/21, datë: 20.03.2024

Gj y q t a r i
Izet Gërguri

KËSHILLË JURIDIKE: Kundër këtij aktgjykimi është e lejuar ankesa në afat prej 7 ditësh, nga dita e marrjes së të njëjtit, përmes kësaj Gjykate, për Gjykatën e Apelit.